



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-37- 1210-15 /19
Sarajevo, 15.02.2019.godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničku inicijativu

Zastupnica Bibija Kerla, na 4. Radnoj sjednici Skupštine Kantona Sarajevo, održanoj dana 30.01.2019. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenula sljedeću zastupničku inicijativu:

„Tamiflu je lijek protiv gripe koji je najefikasniji za oboljele od ove vrste bolesti. Na žalost on se ne nalazi na spisku lijekova koji su dostupni građanima i može se kupiti jedino u apoteci Dina na Čengić Vili. Tražim od ministricе da ovaj lijek vrati na listu ako ne u toku cijele godine onda bar u vremenu od novembra do marta mjeseca kad je vrijeme gripe. Lijek košta 55 ,00 km i mnogi nisu u mogućnosti da priušte da ga kupe a nekima može da zavisi i život od ovoga lijeka. Nadam se da će ministrica ovo uzeti u razmatranje i pozitivno riješiti moju inicijativu koja je u interesu svih građana Kantona Sarajevo.“

U vezi sa pokrenutom zastupničkom inicijativom, Ministarstvo zdravstva Kantona Sarajevo dostavlja sljedeći

ODGOVOR

Zakonom o lijekovima („Službene novine Federacije BiH“, broj 109/12) je utvrđeno da je Federalno ministarstvo zdravstva nadležni organ odgovoran za oblast lijekova koji se upotrebljavaju u medicini u Federaciji BiH. Utvrđivanje asortimana i cijena lijekova koji se koriste na teret sredstava obaveznog osiguranja u primarnoj i bolničkoj zdravstvenoj zaštiti u Federaciji BiH donosi Vlada Federacije BiH jednom godišnje, a obavlja se u skladu sa:

- Listom lijekova obaveznog zdravstvenog osiguranja Federacije BiH (A i B lista lijekova),
- Listom lijekova u bolničkoj zdravstvenoj zaštiti Federacije BiH.

Lijekovi sa A Liste lijekova obaveznog zdravstvenog osiguranja Federacije BiH i lijekovi sa Liste lijekova u bolničkoj zdravstvenoj zaštiti Federacije BiH, obavezno ulaze u sastav pozitivnih



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243

Sarajevo, Reisa Džemaludina Čauševića 1



Listi lijekova Kantona Sarajevo, dok se B lista lijekova formira u skladu sa raspoloživim sredstvima.

Proširenje liste lijekova nije dozvoljeno ukoliko kanton nije u mogućnosti pokriti troškove kompletne pozitivne liste lijekova, odnosno A i B liste lijekova.

Lijek oseltamivir 75 mg, zaštićenog naziva Tamiflu, proizvođača F. Hoffmann-La Roche Ltd. nije uvršten u Liste lijekova obaveznog zdravstvenog osiguranja Federacije Bosne i Hercegovine, niti je sastavni dio liste lijekova u bolničkoj zdravstvenoj zaštiti Federacije BiH, te samim tim nismo u mogućnosti uvrstiti ga u pozitivne liste lijekova Kantona Sarajevo.

Obavještavamo cijenjenu zastupnicu da, uvidom u evidenciju Agencije za lijekove i medicinska sredstva BIH, navedeni lijek nije dobio dozvolu za prometovanje na području BiH, što je razlog da ne možemo dostavljenu inicijativu uputiti Federalnom ministarstvu zdravstva na nadležno postupanje.

S poštovanjem,

MINISTRICA

Doc. dr. sci. med. Amela Sofić

Pripremila:

Prim.mr. ph. Edina Stević, spec., pomoćnica
Ministrice

Kontrolisala:

Amra Isić, dipl.iure, Sekretar Ministarstva

DOSTAVLJENO:

1. Naslovu
2. a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243

Sarajevo, Reisa Džemaludina Čauševića 1

